

蓋平縣志

御

人物志卷九

人物

天下何地而無才何時而無才凡生一世大有爲之人必生一世大有造於家國天下之人才以輔之一時衡人品者仰見濟濟蹒蹒景象相與瞻望咨嗟而嘆昔何多才蓋鍾毓秀靈去古未遠得天獨厚其磅礴鬱積之氣已涵濡醞釀於無形而非也五百年必有名世者人才蔚起本無古今厚薄之分武鄉景略豈獨見諸蜀漢苻秦耶若中國幅員之廣甲於五洲其間奇才異能懷貞抱璞之士必不乏人入山惟恐不深入林惟恐不密恒抱道以自重即令名流延攬顧廬情殷猶恐未能起而相助而欲祿位縻之文章試之詎可得乎吾邑山川蟠結雖殊嶽降崧生而林泉隴畝之中安知不大有人在達則功可銘之鐘鼎光昭來茲窮則與木石居與鹿豕游冥冥蜷伏於鄉井升沈顯晦之不同分隔雲泥亦人生有幸有不幸耳語云英雄造時勢此擔當宇宙所以有待於一世偉人也下此者或著一節以延譽或執一藝以成名兩間正氣並鍾於女子者流人參天地而立極器重

公輔有裨蒼生殊令吾深長思之矣

鄉宦

吾邑山水接長白遼瀋匯歸之秀文武異材不無蔚起乎其中金遼及前清以來豐鎬接壤戡亂輔世之才往往觀感興起時有其人焉蒐羅史乘聞之父老爰撫其實而出之高彪始生其父陸格因術者言不利於己欲不舉賴母爲營護數歲竟逐之匿於外家遼人調兵東京時陸格已老當從軍慨然曰吾兒若在當勝兵矣公因見父代其行戰於珠赫店所向皆披靡軍師見之曰此勇士也令生致之從韓魯屢立戰功天會五年授靖江節度使復屢破宋軍勇健絕倫能日行三百里身被重鎧行險如飛臨敵身先士卒未嘗反顧大小數十戰率以少擊衆無不捷歷官樞密副使封舒國公卒諡桓壯公性機巧通音律人無貴賤皆溫顏下之

王政當遼末葉高永昌據遼東知其才欲用之不就永昌敗渤海人爭縛之以爲功政逡巡引退吳王棟摩聞而異之言於太祖授廬州渤海軍從破白褶下燕都皆有功

及伐宋留政爲安撫使釋繫囚發倉廩遠近降服尋除同知金勝軍節度時軍旅事定而筦庫未立吏得夤緣爲奸政獨明會計嚴局鑰出納無錙銖之失吳王曰官久而不加富何也政曰政以楊震四知自守安得富王笑曰前言戲之耳以黃金乘馬賜之天眷元年仕至保靜軍節度使致仕卒子遵仁遵義遵古皆知名克紹先業

劉仲尹 金正隆二年登第後以潞州節度副使召爲都水監丞能折節讀書其詩詞樂府俱極蘊藉墨梅詩尤爲人傳誦著有龍山集行世

宋 浦 一名幹勒忠歷金兵部樞密院尙書省令史轉大理寺知法遷右三部司政練達邊事大定中爲監察御史章宗時累官武寧軍節度使性敦懇通法律習女直契丹字以直自守不交權貴時譽歸之

鈕祜祿額特埒 即粘割幹特刺金大定七年授吏部主事遷河南路統軍使因與宋交涉稱職遷刑部尙書參知政事世宗委提控代州阜通監進尙書右丞兼樞密副使爲上宗留守還朝拜平章政事封芮國公在相位十餘年卒諡成肅

王庭筠 字子端父遵古官至翰林直學士公生未期年視書識十七字洎七歲學詩涿郡王修一見期爲國士登大定十六年進士調恩州軍事判官臨政有治績金明昌元年詔試館制中選因論事罷官卜居彰德讀書黃華山寺三年詔爲應奉翰林文字與秘書郎張汝方品第法書名畫嗣遷修撰太和元年扈從秋山應制賦詩三十餘首上甚嘉之明年卒詔有司賻喪事求其平生詩文藏之秘閣公儀觀秀偉外若簡貴人初不敢與接近既見和氣溢於外但有可取輒極口稱道所荐引者皆一時名士世以知人許之工詩尤長書法善學米芾兼精山水墨竹著有叢辨十卷文集四十卷子曼慶字禧伯亦能詩工書仕至行省右侍郎自號澹游云

烏庫哩仲溫 金大定二十五年進士累官上京東京等路按察司事改提舉肇州漕運金貞祐初爲鎮西軍節度使時中都被圍遂至太原移書安撫使約以鄉兵馳救不能進抵平陽公嘗治平陽吏民爭留之公曰平陽巨鎮易爲守禦於始計得矣如嵐州何遂還鎮已而元兵大至城破不屈死諡忠毅詔歲時致祭

完顏閭山 金明昌二年進士累官沁南軍節度使入爲工部尙書定興中因伐宋參議諸軍改知平涼府屢有軍功詔爲吏部尙書時選戶部官率舉桑孔之術以應詔閭山曰民勞亟矣復用此輩將何以堪識者韙之

溫特赫達 又曰溫迪罕達字子達性敦厚寡言笑初舉進士廷試搜閱官易達藐小謂之曰汝欲求作官耶達曰取人以才不以年藐衆異之金明昌五年中第遷監察御史轉太常少卿攝侍御史上書言遼東興王之地當專守以繫一方之心又言宰相繫天下輕重不宜權攝俄充陝州行樞密院參議官仕終戶部尙書

完顏弼 本名達希布積功加平南盪江將軍金貞祐間屢立戰功元光末累官山東西路兵馬都提管充宣差招撫使生平喜讀書每引儒士雅歌投壺以爲常所辟士皆立方面功治東平愛民省費軍民帖然有古良將風

韓勒合打 以蔭補官調陰山尉縣當兵衝公身先行陣貞祐初以功遷本縣令旋充刺史累官同知太原府事彰德節度使權河東北路宣撫副使及金安節度使興定元年

復爲勸農使歷知河間府權元帥右都監行元帥府事又同簽樞密院事屢守邊要未嘗敗元光元年卒

龐鑄 字才卿少擢第仕有政聲宋南渡後爲翰林待制遷戶部侍郎尋緣事倖東平改京兆路轉運使卒公博學能文工詩造語奇艱不凡世多傳之

王明之 元代累官翰林學士追封太原郡公

溫迪罕完 元至元元年知趙州州境當子午要途差役繁劇公從容辦集民不爲擾采地八百畝值歲旱公惻然不忍民飢胥蠲其租甚德之

陳鑑 明正統戊辰進士賜一甲二名及第官翰林學士使朝鮮有皇華集行世後官國子監祭酒升禮部尙書

高潤 明正統乙丑科登進士第後官至刑部郎中

羅鐵 原籍山左仕明爲遼東指揮使遂遷於邑城東暖泉村子一名春隱居未仕孫仁英字傑菴屯田錦州授驍騎校順治五年陞佐領年老致仕子二長文瑜字輝山順

治乙未科進士出爲山東曹邑令三載轉陞蜀之達州越二年遷山東濟南府知府旋改調福建鹽運司方一載又荐擢至兩淮鹽運使後罷歸次文現由中書令出爲分巡南汝道孫輩數人亦有出仕郡守牧令者要皆克紹家世羅進梅羅振東現充全省警務處秘書皆其嫡系族裔也

李彥明 官明通議大夫邑西南團山子有墓在焉

蘭英 蓋州軍人也調廣寧明成化九年隨廣寧總兵歐信追賊至小黑山境外賊衆攻圍甚急信馬中箭死公以馬讓信信乃出險公遂遇害李副使作詞以哀之巡撫作碑表其義正德丙子給事中傅錦題稱九邊死陣士伍以微賤不得錄宜查覈顯著者優恤一二以宣慰忠魂遼東撫按上其事移檄祭焉

李世相 明萬歷間舉人官至山海通判頗有政聲

王元會 知隕西縣明崇禎十二年張獻忠掠湖廣諸郡縣夜襲隕西城破爲賊所殺清

乾隆四十一年諡節愍

張 祺 明崇禎壬午科及進士第官遷安知縣

吳良能 明崇禎十五年知滕縣時流賊麇集團城多方捍禦久之城破拜辭其母單騎

犯陣死亦烈矣哉

滕應元 明遼東武舉隨翰林院官使朝鮮天啟間降清屢立戰功後於灤州陣亡以侄

承霄襲騎都尉世職霄字雲衢性梗直尚義好文順治初年曾任邑防守禦見職官志妻金

氏子五女四長天成次天綬任湖廣襄陽縣士紳譽爲羊鉅平解組時與製去思碑見本志碑文三天御四天霖五天憲次女適金州王姓見列女邑

文廟前有滕公忠義祠在焉霄卒天成襲二等阿達哈哈番隨征浙閩陣亡封資政大

夫入忠義祠子兆枚襲曾任邑防守尉見職官志枚卒子文煥襲職煥死明基襲職明基卒其弟明增

襲職增卒次子運鈞襲職兼蓋州廂黃旗防禦章京運均故次子福倫布襲職倫布沒

德茂襲職光緒十六年清廷詔中有曰欽承往制甄進賢能特設文武勳階以彰激勸

受茲任者必忠以立身仁以撫衆智以察微防奸禦侮機無暇時能此則榮及前人福

延後嗣而家永康滕德茂休致將滕明增三世孫滕德謙仍襲騎都尉世襲罔替兼蓋

州廂黃旗章京云云其簪纓數世垂裕後昆雖非顯貴大族洵可稱吾邑世家焉

林天擎 清順治二年知山西蒲州府時寇亂頻仍境土初闢公招流亡寬夫役省刑罰

薄稅賦安插兵民俱有幹略州人頌之卒祀山西名宦祠

張國英 順治二年武進士官山西扁關營參將順治六年以病乞休未卸任會姜瓖亂

作公率兵勦賊陣亡世襲恩騎尉

許可用 順治四年爲山西延平道滅賊渠劉遷州城卒獲安全代人立祠祀之

張必科 恩貢生順治四年知直隸慶雲縣甫兩月宿弊盡除會巨寇猝集勵衆戰且守

公矢無虛發忽弦斷手傷曰命也猶當得一死所提戈下城至署舉火自焚事平贈僉

事

王來觀 明崇禎間官河南汾守道清初歷山西霍州知州順治六年姜瓖叛公嚴修戰

備日夜防守城破巷戰死事聞襲恩騎尉

佟國仕 順治初武舉歷官山西井坪路參將會姜瓖兵犯境公堵勦之遇伏戰沒賜恩

騎尉世職

項天城 順治辛卯遼學舉人官趙州學正

李芳春 隸正黃旗漢軍順治五年知直隸慶雲縣邑當破殘之餘公年少賊甚易之公

乃與協鎮郭天培等秘謀勦捕前後擒賊黨二千餘人訓練鄉民皆知守禦賊相率不敢入境

扈什爾壯達 隨清太祖有功世襲雲騎尉

張岳祖 邑庠生任山西臨榆縣知縣順治五年冬姜瓖率賊圍縣城晝夜攻擊城將破

公登城仗大義罵賊城陷遇害世襲雲騎尉

卞將軍 清初屢立戰績封鎮國將軍邑東南松屯有公之墓碑巍然尙存

閻將軍 清初戰功卓著封懷遠將軍邑東南閻家閘子山西侯家溝口有公花園樓址

及墓前牌坊在焉

上刻懷遠將軍閻公之墓八字

耿仲明

世居蓋牟

見藝文志重修崇教寺碑記

明崇禎初年與孔有德同爲皮島總兵毛文龍之裨將及

文龍被誅旋隸旅順總兵黃龍麾下未幾復同孔有德改隸登州巡撫幕下爲參將崇

禎五年應有德之約六年降清

即天聰五年

封懷順王順治六年改封靖南王駐福建坐失查

部下罪自殺子繼茂襲爵康熙十年繼茂死孫精忠襲爵十三年應吳三桂尙之信等

時稱三蕃

又同舉事十四年幽殺福建總督范承謨十六年復降二十一年削官吏族並籍

其家

其祖塋在邑東鄉連陰峪詳古墓志

沈志祥 仕清封續順公本縣境東北第六區周家堡子有墓在焉牌樓前立神道牌三

高丈餘清聖祖製文聞有食租公產多頃

沈永忠

官至湖南

碑載淮南掛印將軍

將軍封國公續順公後墓在祖塋東西向

陳思忠

順治間舉人歷官山西屯留縣知縣順治六年姜瓖率衆攻城城陷被執罵賊

不屈死事聞世襲恩騎尉

楊奇烈

弱冠知沂州有政聲遷登州守康熙二年分守登州道會于七之變總督祖澤

溥親率兵進討公外撫流民內供軍旅賊平得與賊交通書對衆付之火反側者遂安

督師以賊首逃去朱橋王徐二村尙多賊欲縱兵焚勦之公願以家屬保二村之民遂得解今登萊二郡俱建感恩祠

陳啓泰 廂紅旗貢生康熙三年任兵備道捕擊豪強姦宄歛迹會耿藩僞檄南下公密與某官黃梧謀拒守適梧病作不可支公妻劉及女先自裁妾婢二十餘口相繼死公從容引僚屬入視慷慨陳義無異平時具朝服再拜自盡贈工部左侍郎諡忠毅

閻有功 康熙間以軍功補浙江衢州衛右營外委旋補左營把總十四年三藩之變公率兵堵禦力戰陣亡世襲恩騎尉

李成功 康熙間武進士歷官廣東曹州參將吳藩變起公力戰被擒欲降之不屈死世襲恩騎尉

王國泰 隸廂白旗漢軍康熙十二年爲福建福州同知適耿藩潛蓄異謀公偵知之達於總督范承謨爲預防之計後佐泉州與民休息會耿亂甫平海氛尙熾軍書旁午辦應夫船公皆親自給價不肯擾民未幾泉州告警自請召募勇壯得數千人擊賊大敗

之泉州圍解叙功擢安徽按察使閩人思之祀名宦祠

白登明 字林九隸廂白旗漢軍知江南太倉州立衙蠹地棍賭博奸淫四禁犯者必置

法會奸民某通寇有某袖出一狀謂某某皆其黨凡州中巨室富家無或遺公知其誣

曰若非寇何知某某皆寇黨以若狀上若死無赦矣某感悟毀其狀州之大姓皆獲免

公暇試諸生以地方利弊爲問故發奸摘伏無不中也且善治水州及昆嘉二邑咸賴

其利焉

事具先
正事略

白允明 登明仲弟也以選貢得官嘗謂國家肇基東土多以武功翼運今天下雖大定

然西南尙有逋寇兵戈不息志士效命之秋也乃習武事順治十二年授雲騎尉十六

年擊敗楊文英等於楊子江口康熙十三年吳藩等叛海寇亦乘機窺視江南以將軍

王之鼎荐擢都督僉事三藩平改駐廣東參領卒祀江南名宦

張廷輔 康熙十三年耿藩叛十六年公銜命討之屢立奇功十七年擊劉國軒於海澄

中砲歿贈雲騎尉世職

白啟明 登明季弟也康熙二十一年知粵之慶遠府時初經兵燹公竭力撫循收贖難民勸墾闢設義倉給牛種境內宴如復修舉廢墜建學宮葺城垣皆捐俸成之後以循卓遷擢去卒祀粵西名宦

于成龍 籍隸漢軍廂紅旗留居蓋平清康熙間知江寧府時適永寧于成龍爲總督剛正清介於屬吏中獨獎其才由通州牧題守江寧興利除弊知無不爲時徐州奸民某以左道惑衆上告事下江寧鎮江兩府會鞫公力白冤狀制府疑故縱公持之甚力奸民卒坐誣又瀕江蘆洲多被豪強隱佔公以有洲無課有課無洲分別蠲稅人皆服其平允二十五年巡撫直隸政治嚴明事有不便於民者悉除之遷河南總督三十七年以總督管直隸巡撫事民聞其來無不歡踴公生平所至有政聲與永寧于成龍齊名人稱大小于公以別之

王國安 康熙二十八年任奉天府尹廉靖不擾二十七年再任晉兵部左侍郎入名宦祠先是公撫浙整飭漕務清理權稅革陋規建坻坊杭城兵民雜處營債素爲重累公

捐金代償焚券息爭浙人頌之

韓文卿 雍正甲辰舉人庚戌進士授直隸正定府教授旋以終身養望爲志不求仕進

白 潢 佚其字清雍正間官文華殿大學士兼兵部尙書

其墓在邑城北紅花峪雍正三年碑碣尙存

孫啓元 恩貢生官大城訓導後致仕隱居讀書卒於家

張國紳 恩貢生官平安教諭數年後致仕歸田

袁 珍 歲貢生官直隸獻縣訓導以不合時宜未能展其所長

吳 鎡 歲貢生官清縣訓導後引退終於家

燕文麗 歲貢生官直隸廣縣訓導旋以不樂仕進養親以終身焉

張 琳 歲貢生官青縣訓導旋回籍以讀書授徒卒於家

張國棟 歲貢生官撫寧教諭嗣以不樂仕進歸里以著述抒其志焉

王國彥 歲貢生官威縣訓導旋歸里門終身不談仕宦

趙居正 歲貢生官武強訓導數年乞休

焦和生 字琴齋第三區歸州人年十七入邑庠乾隆癸卯舉人時年二十八歲甲辰連捷進士授刑部主事歷陞員外郎中記名御史壬子科充四川主考旋授廣東瓊州府署雷瓊道時值黎匪倡亂公率兵剿捕寬其脅從殲厥渠魁四越月歲事升湖北兵備道初家貧不能讀書年十二始就傳著有連雲書屋詩文稿行世嘗自賦云一生宦迹追坡老畢世吟懷學少陵

劉逢甲 字耀麟第二區前安平人乾隆丁卯舉人歷官福建永春州知州後升任知府孫淦酉 即孫衡公嘉靖己卯進士授國子監學正著有詩文集

姚熊飛 字揚廷號蓉舫道光辛巳舉人壬午進士即用知縣籤分湖南歷任江華桃源等縣旋佐羅公思舉戎幕升授江藍理猺同知寶慶府知府調授江西饒州廣信知府尋授江蘇常鎮通海兵備道升授江蘇按察使咸豐三年告病回籍年六十四病故幼貧苦賴鄉先正繆和椿栽培成就長子交洸字鏡堂官甘肅隆德縣知縣次正鏞字仲海邑庠生精各體書善畫尤工詞曲江蘇知府在任奉檄查要案關節不通一日在館